


例案續增 十六之七



|   |   |   |   |
|---|---|---|---|
|   |   | 九 | 漢 |
|   | 五 | 七 | 書 |
|   | 七 | 九 | 門 |
| 四 | 一 | 二 |   |
| 冊 | 架 | 函 | 類 |

|   |   |   |   |
|---|---|---|---|
| 庫 | 文 | 閣 | 內 |
| 九 | 五 | 七 | 漢 |
| 九 | 七 | 九 | 書 |
| 三 | 四 | 〇 |   |
| 函 | 冊 | 架 | 類 |

|      |         |      |
|------|---------|------|
| 內閣文庫 |         |      |
| 番號   | 漢       | 9579 |
| 冊數   | 40 (15) |      |
| 函號   | 296     | 98   |





例案續編新編卷十六

欽定元年起

軍政

將領固守

逆苗猝至典史逃避

將備撥演過勤責罰太重兵丁聚眾辭糧

欽差閱視營伍廢弛議處督撫提鎮

楚省提臣巡察營伍三年一週

陝西提臣巡察營伍照楚省例

激變良民

欲求補撥擠壞柵欄

開考比照刁徒挾制官吏邊外為民

淺草文庫

例案續編

卷二、軍政目



倡義私鹽不禁拆毀鹽亭打碎坐轎創造告白喊叫罷市治罪及首  
犯援 赦其效尤糾衆之人不援宥

藉試毆差

兵丁緝私毆死人專管武職免議

捏災求勘開關照刁徒挾制官吏

兵丁阻撓驗屍擁衆擠倒轅門照擅自聚譁例減等杖流刪改案情

照增減官文書議處

巡檢拿鎗擾民致令拾磚塞署

營兵辭糧事出有因且官不准退卽行解散亦屬畏法迫後撩壞塞

門經喝而散未便以光棍定擬

兵丁聚衆

抗糧纏毆典史照光棍治罪犯口拿獲地方文職無處分

毀壞縣丞衙署比律問流

聚衆罷市對 賈照光棍例定擬

情同光棍又與例載有間

私藏應禁軍器

當舖私當盜甲依民間私有軍器治罪

兵丁盜賣炮位

生鐵銃亦係營中火器不行查禁駁令查叅

公侯私役軍人

武職私役軍人按日應追工銀人官

賞卹

黃河下埽飄沒兵丁賞卹比案

乾隆十一年起



兵律

軍政

從

臨敵託故違期因係上司差委減流

主將不固守

軍前患病不候批示擅回任所擬斬

竊賣軍器

兵丁竊賣軍器比照定擬

從

軍營脫逃人犯獲日即行正法

例案續增新編卷十六

錢唐沈如厚

漑齋

編輯

兵例

軍政

逆苗不固守

逆苗猝至典史逃避

乾隆二年六月刑部議覆叅草黃平州吏目程彌祐失陷逃避藉病告休一案據貴督張 疏稱訊據程彌祐供稱逆苗猝至賊眾兵單力不能敵以致失陷隨趕往右井地方招集鄉勇堵截要路等語程彌祐身為捕官有守土之責聞逆苗焚劫不能先事請兵設策堵禦及至失陷輒與百姓同逃自應按擬其藉病告休之處訊據程彌祐供稱原因年老多病於逆苗未逞之先即已具詳求退未經允准及



至有事之後感受風寒暑濕遂成廢疾據實告休並非藉病等語查程彌祐先因老病告休雖據供稱會詳該州但未通詳有案迨逆苗變警有事之時卽思因病告休顯屬規避將程彌祐擬軍等因具題查例內沿邊沿海及腹裡府州縣與武職官員同住一城若遇變警及盜賊生發攻圍不行固守而輒棄去被賊攻陷城池者府州縣掌印并捕官俱比照守邊將師被賊侵入境內擄掠民人者發邊遠充軍等語程彌祐除藉病告休輕罪不議外應如該督所題稱彌祐依例僉妻發邊遠充軍至配所責四十板事關軍機不應援 赦該督疏稱程彌祐之妻陸氏在原籍江南應將程彌祐解往僉遣等語應令該督將程彌祐解回原籍查提伊妻僉配報部奉

旨依議

將備操演過勤責罰太重兵丁聚眾辭糧

乾隆元年十一月刑部會看得營兵王法基等夥眾辭糧出城赴控一案據直督李 疏稱止定鎮營兵係三六九日操演且從前千把總不能管兵弓馬技藝百不嫻熟因署鎮宋愛抵任加謹訓練署遊擊袁成率同守備趙文鼎張文遠等責令各兵一四七日合操跑陣一二五八日打鎗三六九日習步箭逢十操演騎射令千把總外委各行管兵每逢操期有技藝生疎者袁成責必從重輕則反杖甚至守備趙文鼎打責兵丁用手巾勤口不許叫喊又袁成因營馬疲瘦諭令每馬每日必喂料豆麥麩各三大升草二十觔復恐不遵必逐家查驗各兵不能賠墊益復含怨又袁成以總兵三月出巡時值換季又諭置備涼帽等項閤營閱傳疑爲均須製備二月二十二日晚王義與王法基言及難以食糧何不辭退王法基卽云必傳約眾同辭起意令主義約石得金等議訂日期赴邳神廟取齊王法基石得金



王義又率衆兵立誓令陳化麟寫就辭糧稟帖俟次日赴總兵衙門投遞次日王法基等先至鎮署正在投稟袁成聞知卽飛騎查拿王法基不及投稟往縣喊稟袁成又追至縣署各兵畏懼遂各倉皇警怖一擁出城欲赴臣衙門具控途遇 欽差臣魯國華諭令回營王法基等亦卽不敢前行經正定縣知縣王溥龍固營都司劉漢傑追至開導王法基等允服于次日早俱各回營歸伍臣據報卽委清河道移提各犯查審不待刑鞫各吐實情王法基等因將脩各官不體下情操演太勤責罰過重喂馬製衣力難賠墊含怨日深夥衆辭糧復因袁成兩次追拿警慌出城欲赴保控訴原非公然聚衆及集譁倡亂者比但營伍務須整肅兵丁尤宜守法今雖稱被迫一時離營空手出城夥同奔控而約會辭糧形跡已著王法基係起意約人之犯應照頑梗之輩聚衆至四五十人爲首擬斬例量減一等擬軍協

同約人商議寫單之王義與聽從約人激衆開名之石得金均係爲從亦照例量減一等擬流被通同行之梁棟等擬以枷責等因具題應如該督所題王法基應比照頑梗之輩聚至四五十人爲首擬斬例量減一等僉妻發邊遠充軍至配所杖一百折責四十板爲從之王義石得金亦比照爲從擬絞例量減一等僉妻流三千里至配所折責四十板仍遵照雍正十一年六月內九鄉議覆大學士張 條奏援引別條比附者應于疎內聲明恭候

諭旨遵行該督旣稱梁棟等均應照被勒同行之人例各杖一百時當熱審減一等各杖九十折責三十五板先行發落秋涼後各枷號四十五日王永盛等先因被脅次日未經同行均行免議附和同行隨卽安伍各兵亦免深究名單銷燬等語應如該督所題發落完結該督又稱王法基之母赴控以年老丁單懇請留養俟查實另報又據按



察使詳報劉系在店病故隨批取相驗圖結并訊解役人等有無凌虐等語應令該督作速確查報部再該督所稱署右營遊擊袁成甚屬暴戾右營守備張文遠左營守備趙文鼎不行稟阻聽從奉行致啓釁端均屬溺職署正定鎮總兵事副將宋愛有統轄之責不能預爲查禁咎亦難辭相應分別附叅統聽部議至趙文鼎到任甫及一月但打兵勒口係該備所爲合併聲明再查遊擊袁成先係忠順都司臣與前提臣路振揚合疏題補正定鎮右營遊擊兼管左營其署總兵官宋愛係奉

旨着臣揀選署理因該員屢次署理總兵印務均無貽悞今旣辦理乏術有忝督率之任伏乞 敕部將臣等一并議處等語查遊擊袁成訓練兵丁過于嚴刻濫施刑責勒賠馬草逼備衣鞋多方凌虐毫無體恤以致兵丁聚衆辭糧又不設法安頓兩次追拿逼令出城暴戾實甚應將遊擊袁成照營弁暴虐例革職守備趙文鼎署守備張文遠旣不先行稟阻又不回明總兵惟聽信奉行致啓釁端甚屬不合趙文鼎雖到任甫及一月但打兵勒口係該備所爲亦屬過甚將守備趙文鼎署守備張文遠俱照不應重律杖八十係官犯私罪照例各降三級調用張文遠係千總委署守備無三級可降相應革職趙文鼎任內有

恩詔加一級應銷去加一級抵降一級仍降二級調用至署鎮宋愛係兼轄之員不能預爲查察嚴加申禁及至各兵聚門呼籲辭糧方始知覺咎亦難辭應將署總兵事浙江紹興協副將宋愛照武弁生事擾害該上司不行揭報例降三級照舊管事再定例內督撫濫將屬員坐名題補者降一級留任列名具題官罰俸一年等語遊擊袁成係該督李 會同原署提督邱務路振揚列名保題之員除路振揚已



經病故不議外應將直督李 照坐名具題例降一級留任俱在  
赦前相應免議再該督咨稱王法基之母朱氏現年七十五歲止生  
該犯一子並無兄弟子嗣正與法遣以前告稱父母老疾家無以次  
成丁者准其留養之例相符等語應如該督所題將王法基照例枷  
號四十日責四十板免其發遣存留養親奉

旨依議

欽差閱視營伍廢弛議處督撫提鎮

兵部爲閱過營伍事覆尙書果毅公訥 將廢弛營伍之該管河南  
南陽鎮總兵已調四川川北總兵韓應魁等照例降調等由乾隆九  
年九月初四日奉

旨韓應魁着以叅將用胡貴着來京該部帶領引見再降諭旨碩色着照  
部議所降之級從寬留任謹念此係初次是以格外加恩從寬免其  
應得處分倘各省督撫提鎮視爲故常不加意訓練以致營伍廢弛  
嗣後若被查出則非不戒視成必將伊等照例治罪譚行義成元震  
完顏偉俱着罰俸六個月吳進義着銷去薦舉紀錄一次平常紀錄  
十次尹繼善着銷去加二級紀錄四次俱免其降調喀爾吉善着銷  
去紀錄一次免其罰俸餘依議

楚省提臣巡察營伍三年一週

兵部等部爲請

旨事會議得湖督阿 奏稱提臣每歲秋收之後巡查營伍等因具奏前  
來查楚省南北地方遼濶提督二年遍巡一次不獨多需時日且恐  
在外日久衙門一應公務難免貽悞今該督所請提督每年察其緊  
要巡查數處于整理營伍之道深爲妥便事屬可行應如該督所請  
湖廣提督准其每年秋收之後咨商督臣擇其緊要營伍輕騎減從



巡查數處務于三年之內輪巡周遍考核官兵點驗軍械查看塘房  
照例出結移送總督年底彙送臣部查核再該督奏稱提督衙門  
廉之外並無間款可動查武昌廠關口岸盈餘銀兩原留地方裨  
兵民之用可否每年 賞銀三百兩以爲巡察賞號之費等語查提  
督係統轄大員有節制全省之責巡查營汛若非定有勸懲未足鼓  
勵弁兵亦應如督所請湖廣提督每年巡察所屬分准給 賞銀三  
百兩以爲賞號之費至所請武昌廠關口岸盈餘銀兩動給之處亦  
應如該督所請准其照數動支按年報明戶部查核乾隆九年三月  
初五日奉

旨依議

陝西提臣巡查營伍照楚省例二年一週

兵部爲變通普巡之章程請

旨遵行事議得署陝西固原提督段起賢疏稱陝提統轄二鎮管屬四協  
東西南北不下萬里地方遼濶營汛繁多普巡一次道里迂迴非半  
載有餘不能週遍出外日久公事難免貽悞請將陝提所轄地方倣  
照湖督阿 題准巡查之例改爲秋收之後察其緊要邊營酌量巡  
查三年之內輪巡周遍等語查陝提所轄延綏興漢河州三鎮西鳳  
潼關慶遠陽靖四協營汛繫多地方遼濶提臣于一年之中遍歷巡  
查路途遙遠既需半載有餘方能遍歷未免離營日久轉于公務耽  
延應如該署提所請陝提所轄各鎮協營准其于秋收之後卽照題  
明先後次序分別按年巡查統于三年之內普巡周遍凡遇該提巡  
查鎮協仍照定例該鎮停其出巡固屬之該協亦停其委員查點以  
舒兵力乾隆九年十二月十七日奉

旨依議



欲求補撥擠壞柵欄

乾隆二年閏九月刑部議覆莆田縣童生郭會等觀看撥府童案欲求補撥喧嚷入署擁壞學轅柵欄儀門一案據福督郝 疏稱緣乾隆元年三月內學臣周學健至興化府歲試均經考畢撥府學童案進取二十名內招覆莆邑童生十一名仙邑童生九名斯時看案人衆莆童忽稱仙遊撥入府學過多一時喧嘩各童欲求學臣檢查前案補撥數名擁進轅門擠壞柵欄及儀門木板壓倒架上執事擁入大堂擠壞搬往校場應用椅桌當經提調官知府蘇本潔會同前任興協副將王英親身彈壓當場拏獲郭會盧濂林泌等羈禁復獲宋致遠林爵邱昆林川發縣弔訊宋致遠供係監生恃符不依咨斥追照在案訊據郭會盧濂林泌認係童生堅稱彼時看案人衆見先游撥入府學過多意欲稟求檢查往例補撥一時喧擁並無倡率爲首

之人至搬往校場公案擁毀之處因學臣次日會閱武童外場而管考工房往搭逢廠回至學轅搬取椅桌適棍童擁鬧致將應用椅桌並皆擠壞弔訊工房林榮供吐鑿鑿似屬實情將郭會等擬以流徒仗罪具題應如該督所題郭會應照拆毀申明亭律杖一百流三里盧濂林泌宋致遠均應照爲從減一等律各杖一百徒三年因賣圖章擠入之林遲經過觀望喧嚷民人林爵邱昆林川均照不應重律各杖八十但查郭會等俱事在乾隆二年四月十六日 赦前均應援免再該督疏稱所有擠到儀門柵欄什物飭縣估價着落郭會盧濂林泌林遲名下照數賠修等語應令該督飭向各犯名下賠修奉

旨依議

開考比照刁徒挾制官吏邊外爲民



刑部爲飛飭查拏事看得金在田并民人馬五閔開考棚一案據陞任江督趙 疏稱緣童生畢堯年縣考取名嗣赴湖廣看視母病不能赴考用銀一錢六分託李成公轉倩邱敬蒼代考邱敬蒼又免邱大頂名交卷經江寧府考試查出將邱大薄責衆童誤認責打童生閔開致金在田在內倡言各散民人馬五因送弟應考自外鬧進陳令文陶惟賢扶同喧譁上元縣知縣姚曰升卽入場勸諭誤被衆童搬運棹橈碰傷眉稍隨經平復屢審不諱查此案事起一時原無預謀糾合且各童復經稟求收考與聚衆罷考有間金在田馬五均應比照刁徒挾制官吏例擬邊外爲民李成公等擬以枷責分別收贖等因前來應如該督所題金在田馬五合比照刁徒挾制官吏發邊外爲民例各僉妻發邊外爲民李成公邱敬蒼邱大均照僱人代考倩代與受代之人俱一體枷號例應各枷號一箇月責三十板邱大

先經府責應免重科以枷號一個月李成公年逾七十免其枷號杖罪照例收贖附和之陳令文陶惟賢均照不應重律杖八十先行發落毋庸議邱敬蒼所得銀一錢六分及李成公已許未給銀八分均照追入官在湖廣未回之畢堯年獲日另結乾隆二年四月內奉

旨依議

倡義私鹽不禁拆毀鹽亭打破坐轎創造告白喊叫罷市治罪及首犯援 赦其效尤糾衆之人不援宥

刑部爲地棍聚衆搶奪等事會看得福清縣斥革監生陳我誠卽陳騰芳等率令灶戶強挑鹽觔一案據閩浙總督郝 疏稱緣乾隆元年三月間欽奉

上諭無業貧民男自六十歲以上十五歲以下及少壯有殘疾者并婦女之年老孤獨無依者許挑鹽四十觔散賣度日本年三月十一日陳



我誠到團攜鹽一筐倡議私鹽不禁外委功加徐文綸向阻陳我誠揚言委弁徐文綸違

旨致令各灶戶將鹽挑散經縣聞知將陳我誠拿獲十二日王祥白沙二團委員陳以第巡查白沙團甲長王昌雲縱令伊弟灶戶王昌運鹽不入倉陳以第挈獲王昌運鎮帶轎後眾灶戶喧嚷扯裂陳以第轎幃十三日場員移縣出慰又有林廣助率同民人林志賢灶戶林騰行等前往牛宅草橋地方拆倒鹽亭打破陳以第坐轎林志賢林騰行復打團長林允端房屋陳卯欽打壞洪淡團鹽漏一坵又有犯竊案之李孫典聞風效尤糾眾灶戶林兆求民人陳奕月等粘貼告白傳佈灶戶停晒十四日早李孫典復至海口關叫各舖戶不必開店後見營縣會拏李孫典等領各灶戶歸途打團長陳元盛張汝千陳威侯業主鄭允鹿四家房屋陳卯欽又回灶戶張益香湊眾打壞洪

淡團官楊開業公館陳卯欽搶出米一斗制錢一千文營縣會差兵役協拿各犯驚逸而散續訪有監生陳泌卽陳濂欽夥全創造告白停晒查明捐監事例咨斥研訊不諱應如該督所題陳我誠身爲業王往團強攜鹽勦出場及至委員向阻輒敢挾制官府致令眾灶挑私合依各處鹽場無藉之徒把持官府詐害客商犯該徒罪以上者發邊衛充軍例應發邊衛充軍李孫典糾約林兆求陳奕月創造告白叫人停晒歇店又打壞團長等家房屋應照克惡光棍好鬪之徒生事行兇無故擾害良人者發寧古塔烏喇地方例仍遵照乾隆元年五月初六日奏准定例僉妻酌發雲貴川廣烟瘴少輕地方交與地方官嚴加管束林兆求陳奕月係爲從應照律減一等各杖一百徒三年林廣助除打轎并打團長房屋輕罪不議外其拆毀鹽亭應照拆毀聲明亭房屋杖一百流三千里林志賢林騰行係爲從應照



律減一等各杖一百徒三年甲長王昌雲不能約束縱弟灶戶王昌運挑鹽應照鹽場灶丁夾帶餘鹽出場同私鹽法該管總催知情故縱與犯人同罪律王昌雲王昌運各杖一百徒三年陳卯欽張益香打搶團官公館錢米合依白晝搶奪律杖一百徒三年張益香係爲從應照律減一等杖九十徒二年半陳卯欽張益香均刺字查李孫典所犯與 赦款不符應不准援宥陳我誠等俱事犯在乾隆二年四月十六日

恩赦以前均應援免陳卯欽張益香并免刺字等因乾隆二年十月初二日奉

旨依議

藉試毆差

乾隆二年六月刑部咨覆據署廣撫王 咨稱海康縣申詳童生謝秉敬毆打差役陳隆斥生林子魁等毀門闕堂出揭罷考一案緣乾隆二年四月初五日該縣考試合縣童生先于初三日赴縣投卷適縣役陳隆回縣稟話因人擁擠嚷叫讓路出言傷衆謝秉敬首以肩撞陳隆與之爭論謝秉敬復掌批陳隆腮脰扭住陳隆衣衫諸童及林子魁謝謙因陳隆出言無理齊聲嚷罵陳隆畏懼用力掙脫衣板扯碎奔住宅門謝秉敬追及被陳隆扭進宅門將門關閉諸童尾至共相敲擊林子魁等往視見宅門一扇判裂在地遂有童生十餘名拉同人署求處陳隆該縣張元彪訊無實據未責林子魁等大聲稟求張元彪又因陳隆面帶有傷不行責處諸童以該縣庇護陳隆卽稱斯文掃地并稱求府不提當于考後貼字通知赴上控究復邀林子魁謝謙同往求府途遇貢生黃而華林子魁等告知前情并邀黃



而華同行稟府該府隨簽提陳隆訊責諭令各童赴縣投卷應試生童遂各散去嗣因張元彪聞通知上控之語遂以分衿藉考毀門闕堂出揭罷考等語查開貢生黃而華捐納事由生員林子魁謝謙各人學年分詳請分別咨革究擬茲審訊謝秉敬等將陳隆出言狂肆以致毆罵袒衣追趕入署大聲求處各情供認不諱至該縣所詳毀門一節據訊林子魁等堅供諸童擁擠伊等並未近前止聞敲門聲响迨後趨看宅門已倒裂在地卽訊之陳隆亦供不知是誰打毀或是人多擠倒跌爛等語是宅門雖經倒裂但出之諸童之手一時不知姓名似難懸坐再該縣所詳咆哮無狀一節據訊林子魁等堅供當日入署求處陳隆未免聲音較大並無咆哮據訊陳隆供吐如一是林子魁等雖大聲求究終難指爲咆哮實據再該縣所詳林子魁等計議煽惑揭貼街衢一節據訊林子魁等堅供並無其事止見當

日有不識姓名諸童妄稱縣官不處陳隆若求府亦不提責俟試畢貼字通知往上控究後蒙行提責處並未見貼有字跡等語訊之陳隆所聞無異是諸童所欲貼者不過通知傳單非若告言人罪之帖且又不知此言出自何人似難株求再該縣所詳黃而華等號召童生二百餘人赴府公然要挾且云不處陳隆便欲罷考一節據訊黃而華等堅供當日赴府求處陳隆止有童生十餘人卽該府審看亦稱當日實無二百餘童之衆亦無不處陳隆便欲罷考之語則黃而華等似無藉衆要挾情弊查陳隆出言冒犯諸生肇釁出已乃牽扯並不在場之黃而華妄稱挾嫌主使謝秉敬首先毆打陳隆林子魁謝謙黃而華事非切已聽諸童邀約疊稟求處陳隆均屬不合陳隆謝秉敬林子魁謝謙黃而華均照不應重律杖八十折責三十板各犯事在乾隆二年四月十六日赦前均應援免陳隆仍革役林子



魁謝讓黃而華罪止重杖例應收贖且已援免前革衣頂應均請開復李芳檠吳天成訊屬無干應無庸議其當日敲打宅門邀同林子魁等向縣府求處陳隆之諸童均不知姓名且事在 赦前請免深究陳隆面頰之傷久經平復扯碎衣衫亦已補還均無庸議再該縣張元彪所詳林子魁等毀門闕堂出揭號召各款俱各事出有因並非無故混詳應請免議等因咨達前來謝秉敬等應如該署撫所議援免完結陳隆仍革役至海康縣知縣張元彪職名應否免議事隸吏部林子魁謝謙黃而華前革衣頂應否開復之處該署撫既經咨明吏禮二部國子監相應行文吏部禮部國子監查核并知照該署撫可也各咨前去查照施行

兵丁緝私毆死人專管武職免議

刑部爲究償男命事會看得寧德縣民閔華毆傷劉佛奴身死一案據署理福建巡撫王 疏稱閔華與劉佛奴並無怨嫌緣閔華充當福寧鎮標右營兵丁乾隆三年二月二十九日同兵丁詹榮許長彩奉差巡緝私鹽詹榮等後走閔華先至黃土巖地方適遇劉佛奴自漳灣鹽場將餅換鹽數觔藏于筐內挑回閔華王行查看劉佛奴不允反行肆詈閔華掌批劉佛奴左腮脰連及耳輪劉佛奴取扁挑向打閔華之足閔華情急閃開用脚踢抵不期傷及佛奴腎囊負痛啼哭值詹榮許長彩繼至查其筐內鹽僅數觔隨卽勸散劉佛奴傷重越五日殞命屢審不諱將閔華擬絞監候等因前來應如該署撫所題閔華合依闕毆殺人者不問手足他物金刃並絞監候律應擬絞監候秋候處決詹榮許長彩既不在場應予免議再該署撫疏稱營員盤緝奸私是其專責差遣巡鹽事起因公所有鈐束不嚴職名應免開報等語查兵丁盤緝奸私是其專責今兵丁閔華因奉差巡鹽



關毆致傷劉佛奴身死事起因公所有專管武職應免其查議等因  
乾隆四年四月二十七日奉

旨關華依擬應絞着監候秋後處決餘依議

捏災求勘開照刁徒挾制官吏

刑部爲衿棍捏災等事議覆江督那蘇圖疏稱蕪湖縣本年四五月  
內雨澤稀少栽插愆期鄉愚不知五月非報秋災之時紛紛求勘求  
賑于五月初五日在石碇鎮商寫知單約日赴縣生員楊智叫令楊  
自連寫知單貼于路亭約十五日赴縣楊智是日赴縣同各士民齊  
至縣堂勸請詳災放賑該縣王試璧卽出示牌定于十六日在勘衆  
人以其不肯卽日赴鄉隨有呂東海將示牌踹碎仝熊顯揚俱各搥  
打縣堂鼓楊勳王元吉俞璐擁擠開致將公案推倒楊智復令陶  
殿臣寫帖貼于石碑上有我等士民先求道憲後砌頭門之語民人

俞述先陶振公陳雲升趙子宇等隨聲附和迨安徽巡道梁需杞委  
令江防同知李直方安撫始散飭審不諱將楊智照例擬遣楊勳等  
擬以徒杖等因前來應如所題楊智應照刁徒直入衙門挾制官吏  
別無冤枉者發邊外爲民例應僉妻發邊外爲民爲從之楊勳王元  
吉俞璐呂東海陶殿臣陶天生楊自連陳雲升均應減一等各徒三  
年至配所杖一百折責四十板徒限滿日遞回原籍收管陶天生年  
逾七十照律收贖脫逃之俞述先陶振公熊顯揚應令該督嚴緝務  
獲報部另結趙子宇隨衆吶喊亦屬不合應照不應重律杖八十生  
員湯哲不合于未應報災之時稟勘訊無閔堂情事發學戒飭其已  
革衣頂准子開復乾隆四年十月奉

旨依議

兵丁阻撓驗屍擁衆擠倒轅門貽擲白聚譁例減等杖流 刪改



案情照增減官文書議處

刑部特奏玩公債事等事會看得巡臺御史衙役王文等毆死王長壽并藍殿仙等吵鬧屍場及本案叅革臺灣城守營叅將岳廷瑞臺灣縣知縣馮紹立玩公債事一案據署理福建巡撫王士任將藍殿仙擬流吳景英等分別徒杖併將王文病故圖結送部等因前來查該署撫疏稱藍殿仙一時倡言吳景英等隨聲附和開鬧屍場阻驗迨驗後復赴御史衙門索討究犯雖形同鼓譟但先在屍場一徑遊擊范榮前赴彈壓卽已翕然聽從驗後在御史轅門經總兵官馬驥出署吆喝各卽退散實係鼓譟未成查例載兵丁擅自聚譁者將倡亂兵丁正法今藍殿仙等鼓譟未成應照例減一等等語應如該署撫所題將爲首之藍殿仙照例流三千里至配所杖一百折責四三板該署撫旣稱爲從之吳景英范屋陳士邵王聯高各杖二日徒三年鄧得恩先雖未同阻驗後跟赴御史衙門觀看與附和者有間合依不應重律杖八十革去名糧發回原籍安插其王長壽被毆身死已據王文供認最後以鐵尺打其脊脊左後肋又脚踢其致命腎囊王文係應抵之犯已于取供後在監病故不議外鄭清莊藍黃力合依餘人律各杖一百莊藍黃力仍俱革役至莊藍鄭清違禁跌錢應照違制律杖一百二罪相等應免重科均如所議完結再原任巡臺御史白起圖失察衙役毆斃人命之處業據該御史奏稱並非滿御史衙役經吏部行令該署撫查明題覆俟查覆到日再議至臺灣鎮標鈐束兵丁不嚴職名亦俟該署撫另行查叅到日再議外臺灣縣叅革知縣馮紹立于究犯王文實因其走避故未拿獲並非存心瞻顧債事玩公應將臺灣縣知縣馮紹立原叅革職之案照例准其開復干補官日罰俸六個月至臺灣城守營叅革叅將岳廷瑞將王

年鄧得恩先雖未同阻驗後跟赴御史衙門觀看與附和者有間合依不應重律杖八十革去名糧發回原籍安插其王長壽被毆身死已據王文供認最後以鐵尺打其脊脊左後肋又脚踢其致命腎囊王文係應抵之犯已于取供後在監病故不議外鄭清莊藍黃力合依餘人律各杖一百莊藍黃力仍俱革役至莊藍鄭清違禁跌錢應照違制律杖一百二罪相等應免重科均如所議完結再原任巡臺御史白起圖失察衙役毆斃人命之處業據該御史奏稱並非滿御史衙役經吏部行令該署撫查明題覆俟查覆到日再議至臺灣鎮標鈐束兵丁不嚴職名亦俟該署撫另行查叅到日再議外臺灣縣叅革知縣馮紹立于究犯王文實因其走避故未拿獲並非存心瞻顧債事玩公應將臺灣縣知縣馮紹立原叅革職之案照例准其開復干補官日罰俸六個月至臺灣城守營叅革叅將岳廷瑞將王



長壽跌錢起釁情由改作出街買菜之處實因克犯姓名互異並非有心規避黃用達據實將克犯姓名轉報僅止失察兵丁跌錢並非賭具應將叅將岳廷瑞千總黃用達原叅革職之案均照例准其開復并失察跌錢各員亦准其免議至岳廷瑞雖無規避但擅將起釁情由改換移縣應行議處查律內增減官文書者杖六十又例內官員犯公罪杖六十者罰俸一年等語應將原任臺灣城守營叅將岳廷瑞照例罰俸一年等因乾隆五年五月十七日奉

旨依議

巡檢拏鎗擾民致民拾磚塞署

乾隆六年十一月刑部覆據廣撫王 咨稱原任平遠縣壩頭司巡檢趙斌挾私拏鎗起釁致激吏員余泰爵等堵門列款互控一案緣泰爵之叔余萬振有房屋一所坐落壩頭地方與余泰爵毗連而居

余泰爵在壩頭新街開張雜貨舖生理適雍正十三年閏四月十七日新設壩頭司巡檢趙斌到任衙署未建暫借余萬振房屋居住言明衙署建成將屋交還詎趙斌借後即將房屋另開大門余泰爵以有碍祖堂風水往求趙斌拆改趙斌不依致生嫌隙迨衙署造成趙斌移住新署仍將房屋佔作公館余萬振令余泰爵代往向討趙斌不還更加叱罵遂與余泰爵不和乾隆五年正月十五日壩頭五街舖戶祀神擇期開張輪值余泰爵首事先晚僱募吹手施放三眼小鎗適趙斌住在公館知余泰爵係值新街首事趙斌藉稱未經稟明于十五日早卽差弓役韓宣等先拏新街小鎗并要戒責吹手余泰爵往求發還小鎗趙斌不允便將四街小鎗差拏收貯以致人心不服余泰爵卽同平日熟識之林鼎文李永隆前赴公館復行索討并有舖民余揚清同至公館聲言趙斌不該拏鎗趙斌堅不肯還余泰



爵遂取門旁土磚丟放公館門首林鼎文李永隆各亦帮塞半截而散嚴訊不諱至余泰爵控告趙斌建造衙署苦累匠役一欸審據匠人劉佳漢供稱承造巡檢衙署一十一間原議價銀一百二十兩蓋造完成趙斌復令拆改又勒要多造一十四間令其于原價一百二十兩銀內通融計算嗣因工料不敷難以建造趙斌卽行比責劉佳漢無奈賣女變產賠墊始得造成免比共賠墊銀四十五兩九錢質之趙斌亦供認額外多造一十四間雖稱添造小房不甚值錢但額外勒追苦累賠墊亦屬不合又余泰爵控告趙斌佔住民房一欸查余萬振供稱因趙斌到任未建衙署借伊房屋暫住另開大門有碍伊姪余泰爵祖堂風水懇求改造趙斌不允後經衙署建成趙斌仍將伊房佔爲公館隨令伊姪余泰爵向討不還反遭叱罵以致不和等語是此欸趙斌佔住民房屬實又余泰爵控告趙斌擅設木枷一

欸審據趙斌供稱因伊到任衙門新設恐人玩法會設木枷一面後奉飭禁卽行拆毀並未行用等語此欸趙斌違例私設木枷亦已供認不諱又于泰爵控告趙斌擅責船戶一欸查弓役胡盛供稱因船戶劉福萬等船號擦損不明趙斌查覺交伊押候隨卽責放胡盛索得飯食錢八百文今審趙斌堅供實止責打船戶並未得贓入已等語此欸趙斌雖無藉事詐贓而妄責船戶失察衙役犯贓咎亦難辭以上各欸反覆研訊委無遁情趙斌除不給工價苦累匠役佔住民房擅設木枷滋擾船戶失察衙役犯贓各輕罪不議外其挾私拏鎗致激余泰爵等堵門甚屬溺職應請照溺職例革職已于本案革職應毋庸議其苦累匠役劉佳漢改造衙署額外多造一十四間賠墊銀四十五兩九錢應于趙斌名下照追給還劉佳漢收領查例載州縣內有不安分之衿民動輒聚眾堵砌官衙挾制官長等事如州縣



官貪贓苛虐激而成變該督撫查明據實題參將州縣革職提問倘係刁惡衿民因求謀不遂借端生事糾眾挾制官長審明是實照例嚴行治罪又例載刁徒直入衙門挾制官長若係于已事情及有冤枉者照常發落不係于已事情別無冤枉者發邊外爲民各等語今已革吏員余泰爵因趙斌估住伊叔余萬振房屋向討不還反被叱罵復又挾仇妄拿三眼小鎗致激余泰爵等堵門原係于已事情且非官建衙署與堵砌官衙挾制之例未符但率同林鼎文等在于公館門首吵鬧去磚亦屬不法余泰爵應照違制律杖一百係考職吏員知法犯法應照例加一等杖六十徒一年至配所折責二十板俟徒限滿日遞回原籍地方官嚴行管束不許出境林鼎文李永隆應照爲從減一等律各杖九十折責二十五板余揚清訊未動手但附和爭嚷亦屬不合合依不應重律杖八十折責二十板弓役胡盛

勒索船戶劉福萬等飯食錢共八百文合依在官人役取受有事人財以枉法計贓科罪一兩以下杖七十律無祿人減一等杖六十折責二十板革役所得贓錢照追入官杖罪各犯照例先行分別折責發落革役弓役韓宣林昇係奉趙斌差拏各役小鎗訊無索詐情弊與公明之保甲劉眷佑吳允元房主余萬振被審匠人劉佳漢埠長吳逢利均經省釋船戶劉福萬吳珍興邱發聯吳元浩已據埠長拱明先經駕船外出生理免其提訊趙斌私設水棚已經拆毀估住余萬珍房屋飭行交回各衙所放三眼鎗並非違禁應令給還等因咨達前來趙斌等均應如該撫所議完結並知照吏部可也

營兵僻糧事出有因且官不准退卽行解散亦屬畏法追後撩坯寨門經喝而散未便以光棍定擬

乾隆七年二月刑部會議得寧夏鎮標玉泉營兵丁陳法順糾眾辭



糧砌壘衙署一案據陝督尹 疏稱緣遊擊李繼善差獸醫趙大用  
赴廠牧馬趙大用不小心牧放調回欲行責處趙大用畏刑投渠身  
死詎同營兵丁陳法順聞知因思李繼善平日派差苦累屢被責打  
執意糾眾辭根希圖挾制與同營兵丁周登科尚允隨又先後逼勒  
同營兵丁陳虎等同行陳法順令周登科寫具辭狀先赴守備衙門  
稟辭不准又復齊至遊擊大堂跪辭李繼善不准將原狀發還而出  
值陳法順之父陳常同董五前至探聽相遇陳法順告以得罪本官  
必遭其禍陳法順聞言一時情急卽在衙前大肆咆哮打逼民人陳  
文徐元孫紹功羅金邱并董五各在衙署門首撩擲土塊以辱本官  
顏面時陳虎賈如德曹中杰舒進先已歸家周登科宋興甸天民張  
和范宗如尚在衙門東首大街聚談聞聲趨至卽行喝止當經把總  
景呈慶查拿陳法順等奔逸研訊不諱將陳法順依兵丁生事擾民  
合夥挾制官司擾害地方照光棍爲首例擬以斬決周登科照爲從  
例擬絞監候逼勒同行之兵丁陳虎等擬杖等因具題查陳法順因  
本營遊擊李繼善私行差派屢次責打復見獸醫趙大用畏刑投渠  
身死乃商同同營兵丁呈請辭糧及至大堂跪稟之時一經發還原  
狀該犯等旋即解散是陳法順之辭糧尚屬有因且已解散猶知畏  
法繼因伊父陳常以不准辭糧惹下主將你有括不成之語乃逼令  
民人孫紹功等在署外撩碎土塊似此辱官逞忿洵屬不法自應從  
重定擬以儆刁頑但未壘塞署門一經出拏旋即奔遁與無故挾制  
官司擾害地方之兇徒並照光棍例斬決似又未協至周登科一犯  
初雖聽約書寫辭狀迨投遞不准卽隨眾點退及陳法順再至署門  
喝令民人撩擲土塊此時周登科並無在場助力及聞聲趨至且有  
喝阻情事是其情節尤輕今因欲將陳法順擬以光棍立決遽將周



登科以爲從擬絞更爲未協應令該督詳審妥擬具題到日再議可也奉

旨部駁甚是依議

兵丁聚衆喧嚷

乾隆七年 月刑部會議覆涼州鎮標兵丁蔣榮等聚集喧嚷一案據陝督尹 將蔣榮照例擬斬立決劉德照例擬絞監候藍佩擬軍許富榮擬杖等因具題前來查例內刁惡之輩強行出頭聚衆抗官爲首者照光棍例擬斬立決爲從擬絞監候等語今蔣榮爲首糾衆挾制官司劉德助惡行兇毆打千總藍佩隨同勒借銀兩均干法紀應如該督所題蔣榮照光棍爲首例擬斬立決劉德照爲從例擬絞監候秋後處決藍佩照假以建言爲由挾制官司例僉妻發附近元軍至配所杖一百該督既稱許富榮既不稟官又不攔阻應照不應

重律杖八十先行發落乃革除名糧再查借支乾隆四年分屯糧小麥莞豆共二千八十二石一斗零因乾隆五年武邑夏禾被旱緩徵未還前借銀兩除該營陸續繳還外尚該未還銀二千五百五十九兩應俟繳完清項至該營目下鉛藥銀內吊借新兵添買糧石銀二千八百一十七兩五錢已經發營扣還原項等語均應如該督所擬完結其前項已扣還銀兩并未還銀糧應令該督報明該部查核再該督既稱甘屬每年額徵糧石係聽從民便麥豆青稞兼收撥佑各營兵丁于季首搭支原無純支一色及預給全支之例並非遲延至生息銀兩惟防兵紅白之事賞給從無槩給之例其營詳王守曾遲悞勒措以雜糧抵塞等情均係事後卸還應無庸議等語應無庸議其捏詳之涼州鎮標中營遊擊王新瑞已干另案革職無庸議再守備張德千總馬騰霄雷亨把總吳秉聰張知斗外委把總劉銳馮兆



年尤威該督雖稱均屬因公出境但各該備弁等平時約束不嚴之咎實所難辭且各員公出會否派員署理營務疏內並非聲明應令該督查明到日再議外查該鎮總兵並各該管各官既不能約束復不能彈壓均有干嚴例應將前署涼州總兵之副將李述泌遊擊王新瑞外委宋如琳王復興牛文斗均照例降二級調用李述泌應銷去加一級軍功紀錄二次免其降調王新瑞已于另案革職應將降二級之處註冊外外委宋如琳王復興牛文斗無級可降應照例斥革該督所稱左營守備張佩甫經題補尚未受劄左營把總牛興奉派專管神機庫硝磺合井聲明等語查左營守備張佩雖未受劄但業經任事亦有約束兵丁之責不便以未經受劄即免處分應將左營守備張佩照例降二級調用應銷去加一級軍功紀錄二次抵降一二級免其降調至左營把總牛興已經拔補千總雖奉派專管神機庫硝磺但是否即在于本城之處疏內並未聲明應令該督查明到日再議可也奉

旨蔣榮著即處斬劉德依擬應絞著監候秋後處決餘依議

抗糧縛毆曲史照光棍治罪犯已拿獲地方文職無處分

刑部爲稟明飭究事會看得福撫王疏稱緣屏南縣知縣楊先芳以奏銷將屆委令典史楊楚勝下鄉勸諭輸納楊楚勝勸至回坪村令社目謝世榮先往該村傳諭陳伯季等躲匿不出楊楚勝步往勸諭謝世榮見陳伯季之弟陳兆儒稟明楊楚勝著縣差何勝喚令跟尋陳伯季而華啓英素與陳兆儒鷄姦欲留伴宿不允陳兆儒賊護陳伯季聞聲遂糾堂兄陳伯威等赴廠楊楚勝諭以完糧陳伯季抗不遵服何勝斥以不應抗拒職官陳伯季即扭住何勝以拳頂傷右乳何勝等見人多勢猛奔歸稟縣楊楚勝驚慌爬牆欲遁被華啓



英扯住陳伯季遂起意綁縛解省擒住楊楚勝扯碎衣帽喚同華啓英尋獲麻繩背縛押解赴省楊楚勝不肯前往陳伯季等拳傷楊楚勝左右肋押至候官縣地方聞候官縣現在徵糧衆議抗糧綁官其罪不小陳伯季等始各驚懼解放屢審不諱陳伯季合依聚衆打官照光棍爲首擬斬立決例應擬斬立決華啓英除鷄姦輕罪不議外合依爲從擬絞監候例應擬絞監候秋後處決陳伯威等審無扛幫縛毆均合依逼勒同行杖一百例各杖一百陳兆儒除逼勒同行輕罪不議外其與華啓英鷄姦合依和同鷄姦例枷號兩個月杖八十不能約束子姪之陳君亨陳均藩均合依不應重律杖八十被害官役楊楚勝何勝張和均予免議查定例地方如有借事聚衆罷市罷考打官等事其不行查拿之文職照溺職例革職等語是例內不行查拏始有處分今此案既全行拿獲審擬應毋庸議至濫行差調典史行令該撫查明補泰等因乾隆七年七月初四日奉

旨陳伯季著即處斬華啓英依擬應絞著監候秋後處決餘依議

毀壞縣丞衙署比律問流

乾隆八年二月刑部咨據福撫劉咨稱漳浦縣民方盤等拾石擲毀移駐雲霄縣丞衙署一案緣浦邑雲霄地方有大番山一所爲兵民公葬義塚乾隆六年六月二十六日夜有另案土工蔡和同逸犯柳巡偷挖雲霄營兵丁許使塚塚具控縣丞衙門被獲到案該縣丞屈冠以掘塚重案例應由縣審招正欲備文移解因發掘塚塚痛恨者多該地方居民同方盤等以祖宗念切于七月初三日羣赴縣丞衙署求其發落路由南關入城緣關廂路窄人衆擁擠兩旁小店排列零星物件恐被擠翻遺失俱各暫爲收拾訛傳罷市俟方盤等到署正值縣丞出城往查候久不回又聞欲將蔡和解縣隨以縣丞不



肯審理一時公憤紛紛開闢方盤首先拾石擲毀縣丞署瓦鄭辰吳澤張蒲黃冒挈同拋擲隨經營員撥兵查拿俱各奔逸當獲方盤鄭辰二名移解到縣經前漳浦縣朱以誠親往查勘瓦碎是實罷市屬虛着令自行修葺并續獲吳澤等先後訊供嗣緣張蒲一案在監患病身故據該署縣李永書驗報在案查毀損官屋律載加罪二等此係指尋常毀損官屋而言今方盤等因縣丞欲將空坟之犯照例解歸縣審輒行擲石毀署以爲挾制法難輕縱方盤應比照亦毀申明亭房屋者杖一百流三千里律應杖一百流三千里鄭辰吳澤黃冒均合依爲從律減一等各杖一百徒三年張蒲已經病故應無庸議擲毀署瓦已經該縣丞補葺免其追修至在場觀看多人一時附和闕闕俱不知姓名應免跟究再查例載軍流徒犯發遣以前告稱祖父母父母老疾無以次成丁者取結注其存留養親又例載軍流徒

犯例應留養者除應得杖數外仍將軍流入犯枷號四十日徒罪人犯枷號一個月各等語今吳澤之母陳氏現年七十三歲家無次丁已據訊明族鄰人等僉供實情吳澤實與留養之例相符應將吳澤照例決杖一百枷號一個月准其存留養親吳澤留養同方盤並無妻室邱甘各結一并附送監斃徒犯張蒲職名係漳浦縣典史王三錫理合開報再此案應以乾隆六年十一月初八日獲到吳澤等到案之日起限扣除封邱日期計至張蒲于乾隆七年三月二十五日患病前任朱令承審已逾分限一十九日後因張蒲病重不能審解署任李永書于六月十六日到任接審例得扣半加展個半月并解審程限共一十六日計至本年十一月初八日限滿所有已逾分限一十九日前任漳浦縣知縣朱以誠理合開報附奏但于賴石案內被殺合并聲明等因前來據此方盤等均應如該撫所擬完結仍令



該撫照例于歲底彙題至議處監斃并逾限職名事隸史部應將原咨移送吏部查議爲此合咨前去查照施行

聚衆罷市勒減米價照光棍例定擬

刑部爲稟報事會看得南平縣奸民徐慕瀛等聚衆罷市勒減平糶米價一案據福撫周 疏稱緣徐慕瀛原係南平縣學生員因妄攻冒籍經南平縣知縣初元美審虛復經學臣吳華孫訪查劣行褫革衣頂徐慕瀛心疑劣跡田縣開送輒思報復乾隆八年閏四月內適因南邑米價昂貴經縣詳明平糶倉米每升糶錢十三文詎徐慕瀛乘機起意阻撓閏四月初八日遣子徐宗蘭往喚林登觀于初九日至家商謀欲寫謗帖罷市挾制縣官勒減米價每斗止許糶錢九十文林登觀亦係褫革生員因投充書辦被知縣初元美查逐挾嫌隨即允從約定罷市會約與徐慕瀛分手騰寫二十六張徐慕瀛又遣

子徐宗蘭邀集甯阿亮黃華丙黃華康鄧大對梅倫貴陸日郎何天福江新魁等八人告知散帖罷市挾官減價情事甯阿亮等均不應允徐慕瀛用言逼勒始各聽從隨將寫帖分給令其乘夜四處粘貼俱約次早在延福門會齊初十日早林登觀復逼嚇謝曰燦顏阿五吳上楚林阿貴同行徐慕瀛遂與林登觀等沿途喊叫罷市時有何應乾鄭員張文瑞甯阿號林任聞鬧出視與在途觀看之人一同擁至縣署值知縣初元美已經出署祈晴回至延協右營守備李玉堂署內視疾徐慕瀛等探知復擁至李玉堂署前聲言求減米價共相喧鬧因跟全往看人衆以致營縣衙署公案門壁均有擠壞經延平府廳會同協營馳赴彈壓曉諭方各散歸隨據報提犯飭審屢審不諱將徐慕瀛依例擬斬立決照例先行刺字林登觀擬絞監候甯阿亮等擬杖分別折責收贖除該撫所擬光棍爲首擬斬立決之徐慕



瀛已經病故不議外查定例福建地方如有借事聚眾罷市罷考打官等事均照山陝題定光棍之例分別治罪等語林等觀聽從徐慕瀛商謀寫約罷市應如該撫所題林登觀合依爲從擬絞監候例應擬絞監候秋後處決甯阿亮等訊係徐慕瀛林登觀嚇逼同行均合依逼勒同行例各杖一百何應乾等臨時附和往看均合依不應重律各杖八十照例先行折責發落何應乾年逾七十照例收贖甯阿號係甯阿亮胞弟是日路遇同行應照一家人共犯罪坐尊長律免議徐宗蘭往喚林登觀等係聽從伊父徐慕瀛主使並未同謀且伊父已擬重辟亦請免議所有營縣各官署被眾擠壞門壁公案等項應著落各犯家屬名下分賠等語應如該撫所擬完結等因乾隆九年五月二十九日奉

旨林登觀依擬應絞著監候秋後處決餘依議

情同光棍又與例載有間

乾隆九年七月刑部議得老施二等抗租搶犯燒房罷市聚眾一案據蘇撫陳疏稱緣乾隆六年七月內崇邑地方風雨過多花田稍減並未成災乃老施二輒起意賴租向顧七張三徐龍倪七何九等倡議不必還租打逐業戶之語顧七等亦各轉相傳播適有業戶黃申遣姪黃錫廷帶家人黃仁何八赴鄉議租至佃戶黃七店前眾人羣相聚看老施二之子小施二首先聲喊阻議并着施四拾坭擲打將何八推跌搶雨傘等物黃申控縣差役張華將小施二并黃七拘押保正李孟儒家老施二率同顧七各執扁挑往李孟儒家將小施二搶出黃七亦卽跟回此時徐龍倪七郁仁施四徐賢等亦附和同行老施二又復合顧七徐龍郁仁徐寶徐二麻子何店何了頭顧綬等卽將黃申收租之屋三間羣相拆卸其木料旋被焚燒經保正李



孟儒具報老施二以搶犯拆房自己犯罪更思罷市希免差拘復同  
顧七劄寫傳帖底稿囑令陳時夏幫同抄錄率子小施二并顧七招  
同徐龍等前至鎮上遍貼傳帖老施二以布裙爲旗小施二鳴鑼喊  
遍各店關閉鎮民被逼罷市顧七聞知保正李孟儒已將拆毀黃申  
租房情由報縣商之楊繼賢欲將保正房屋拆毀楊繼賢反加恣意  
顧七遂同小施二等前至李孟儒家拆其房屋棄擲木料于草房之  
旁而散詎草房內厨灶遺火延燒過半經該縣差拏柴八張二到案  
并移營差拿間而老施二復起意料衆赴縣求寬又商之楊繼賢楊  
繼賢答以罪不加衆爲之決計老施二遂令顧七等號名衆人并以  
如不上城拆毀其房聲言脅逼老施二率衆將至城外經該縣移營  
會拏其附和之衆經該縣面諭歸農爲首之老施二等亦各俯首就  
獲屢審不諱查例載刁惡頑梗之輩強行出頭約會抗糧聚衆聯謀

歛錢構訟等情爲首者照光棍例擬斬立決爲從擬絞監候其通勒  
同行之人各杖一百等語今老施二強行出頭聚衆罷市雖與例合  
但賴租既殊于抗糧且未斂錢構訟挾制毆官聚衆半多被脅同行  
實與光棍有間若擬以爲首立斬似覺稍重查大學士張 以律例  
無可引用援引別條比附或加一等或減一等科繼奏准通行在案  
除楊繼賢病故外將老施二照光棍爲從例擬絞監候請

旨定奪顧七小施二擬流施四張三徐龍柴八張二郁仁擬徒陳時夏倪  
七何九何了頭葉七楊八黃七等分別枷責等因具題查例載光棍  
爲首者擬斬立決爲從擬絞監候又律載放火故燒官民房屋不分  
首從皆斬監候各等語今老施二以花田減收倡議抗租始則搶犯  
拆房繼又率衆罷市挾制求寬情同光棍但並未毆官亦未斂錢構  
訟又與例開實在光棍有間擬以爲首斬決固屬法重第以爲首聚



衆之人比照光棍爲從之例定擬亦未允當且老施二拆毀田主黃申祖房雖行欲絕收租起見以致適值煤灰延燒至拆毀保正李孟儒房屋又被燒燬其中情事恐尚未確至顧七小施二隨同老施二鳴鑼罷市拆房似屬爲從但小施二係子從父命顧七係拆毀保正房屋爲首其夥同施四徐龍柴八張二郁仁等搶犯罷市等項疏內俱有老施二聲言倡議脅逼等字樣則小施二或係爲從顧七或係拆房爲首施四等或係老施二迫脅抑係情願隨從罪關生死亦未便草率定議應令該撫再行確審妥擬具題到日再議可也奉

旨依議

當舖私當盜甲依民間私有軍器治罪

刑部議得看守南倉章京恩特黑泰私當兵丁盜甲一案將恩特黑泰照私賣軍器減一等律杖徒等因奉

旨恩特黑泰將兵丁盜甲私行典當卽與私賣軍器無異何得因其已經贖回寬減其罪著該部另行定擬具奏欽此欽遵行據直督李疏稱永興當係陳士元領帖開設交託李琳掌管恩特黑泰將盜甲撒袋向李琳質錢是實等因除私當盜甲之恩特黑泰臣部另擬具題完結外李琳合依民間私有軍器者一件杖八十每一件加一等律應僉妻流三千里漫無覺察之當商陳士元應照不應重律杖八十係考職州同照例納贖均援赦免罪其李琳所得贖回盜甲撒袋本利錢文照追入官乾隆元年六月內奉

旨依議

兵丁盜賣廢砲比照私賣軍器減等杖徒

刑部爲特參廢弛等事會看得叅革署臺灣北路左營守備事世襲雲騎尉廖廷光廢弛營伍及兵丁許天賜盜賣砲位脫逃一案據福



例案續增  
卷之六  
建巡撫王恕疏稱查許天賜係經管砲位之人私行盜賣似與監守  
自盜律相符但砲位爲營中緊要軍器而臺灣海外尤關重大若照  
監守自盜計贓定擬未足示儆又查私賣軍器律開載軍人關給一  
應軍器私下貨賣者杖一百發邊遠充軍等語細釋律意又似指關  
給本人及現在利用之軍器而言今砲位係撥許天賜經管又已係  
廢壞不堪應用竟予遠戍情罪亦覺未協將許天賜擬軍減徒陳翠  
芳等分別杖笞等因前來查盜賣經管廢壞砲位律無治罪正條應  
如該撫所題許天賜應比照軍人關給一應軍器私下貨賣者杖一  
百發邊遠充軍律減一等徒三年至配所杖一百折責四十板仍照  
大學士張廷玉條奏律例無可引用援引某律某例加減例奏請  
定奪該撫既稱陳翠芳明知營中廢砲擅行私買合依不應重律杖八十  
時逢熟審照例減等先行發落廖廷先擅造砲坯驗非成全堪用律

得勿論兵丁林培黃偶雖訊無受賄縱脫許天賜情事但疎失之罪  
難道合依不應輕律笞四十時逢熟審照例寬免并免革名糧鐵匠  
魏五審係無干應予免議廖廷光軍械廢壞既不即時修整及兵丁  
私賣又無覺察迨經查出拿獲許天賜又不詳革移交有司究追混  
准保領致令脫逃實屬廢弛營伍已經革職應無庸議等因乾隆六  
年十二月初十日奉

旨依議

小鐵銃亦係營中火器不行查禁駁令查奏

刑部泣究弟命事會看得南安縣民洪祖銃傷李恩身死一案據署  
福建撫王士任疏稱所有短銃驗訊係鄉間巡防鳥獸所用之小銃  
並非烏鎗失察職名應免開泰等語查例載爆烏鎗等火器不得擅  
自私用其鄉間所有小銃是否軍器應否查禁例內並未註明隨咨



查兵部去後今准兵部咨稱軍器冊內開有小子銃小鐵銃各名色  
是小銃一項亦係營中火器均應一例查禁等語所有失察職名不  
便免議應行令該署撫將職名查叅到日再議等因乾隆五年閏六  
月十一日奉

旨依議

武職私役軍人按日應追工銀入官

兵部議覆雲撫慶 題叅革守備王玉貴將革退步兵名糧私給妾  
弟藍章頂食又令兵丁陸從發種菜鄧雲做飯魏旌旗看守公館將  
王玉貴擬以滿杖前來應如所題王玉貴除冒餉虛兵尚無尅扣入  
已并私役兵丁罪止笞杖均不議外其私令妾弟補充步兵並不呈  
送驗補有違營制依違 制律杖一百已于本案叅革應毋庸議藍  
章冒支糧餉共銀 一兩合依詐冒官私取財律杖七十折責二十五

板再武職官私役軍人每名每日應追工銀八分五厘五毫王玉貴  
私役陸從發種菜六個月鄧雲煮飯計一百三十一日共應于王玉  
貴名下追出銀二十六兩五錢九分五毫入官乾隆六年二月奉

旨依議

黃河下埽飄沒兵丁賞卹比

兵部爲詳懇具題循例請卹事議得河東河道總督完 疏稱河南  
黃河北岸蘭陽汎耿家寨工所緣乾隆九年六月初四日汎水暴長  
埽工蟄卸鑲埽壓土之際有臣標經制旗牌陳秉義兵丁王宣張煥  
姚成匡自有堡夫劉世榮民夫王乃兒傅志兒等失陷水中飄沒身  
故陳秉義等急公蹈險奮不顧身例得請卹查旗牌例得拔補把總  
今陳秉義在工年久歷經差委勤勞素著似應比照因公差委馬兵  
之例守兵王宣張煥姚成匡自有堡夫劉世榮似應照步兵之例民



夫王乃兒傳志兒在工力作是應比照王役之例分別請卹等因前來查定例內黃河下埽之人飄沒身故馬步兵丁照陣亡例分別給與祭葬銀兩如係僱募之人照軍功二等傷例給賞又定例陣亡馬兵給銀七十兩步兵給銀五十兩陣亡者二等傷給銀二十五兩若無妻子親屬承受給銀二兩該督撫提鎮委官致祭等語今陳秉義等既係在河北岸蘭陽汛耿家寨工所鑲埽壓土失陷水中飄沒身故與卹賞之例相符其淹沒旗牌陳秉義並非馬兵不便照馬兵例議卹應將旗牌陳秉義守兵王宣張煥姚成匡自有堡夫劉世榮等六名照陣亡步兵例每名各賞銀五十兩應令該督按名賞給如無伊等之妻子親屬承受照例給銀二兩委官致祭給賞銀兩于正項錢糧內動用仍將動用銀數淹沒姓名報明戶部查核可也乾隆十年二月二十日奉

旨依議

臨敵託故違期因係上司差委減流

刑部爲遵

旨嚴審事臣等欽遵

上諭會同軍機大臣嚴訊胡大勇據胡大勇供稱我是同仁協副將從征金川統領貴州兵進剿因番賊碉堅鎗砲利害我想起雲南省陳元藻王廷用能造攪牌可以抵擋又因總督差我到廣南去故將此兩事冒昧具稟及到雲南製造不如法我要想侵蝕銀兩的心是實沒有的至製造攪牌物料原是開單稟明總督張允隨叫製製造牌一月方成一面所以請寬限期的又問你造牌一面便須一月若造三千面得多少時日再你本籍雲南想是要回籍偷安呢據供我從前實不會造過實不曉得如此多費時日總因我心裡糊塗妄行具稟



又在原籍遷延時日俱是我的罪有何辯處等語查胡大勇身為副將奉調從征自應奮不顧身以圖報稱乃妄為撫砲綿牌之議飾詞具稟乃差委回滇置辦稽遲時日毫無實濟復繫戀原籍有意偷安研訊之下該犯俯首無辭查律載軍臨敵境托故違期者斬監候等語胡大勇因循逗遛遷延時日應比照此律擬斬監後但事由差委究與自行托故違期者有間應將胡大勇減一等杖一百流三千里定地發配到日折責發落事關軍機雖犯在

恩詔以前不准寬減至署總督傅爾丹原署巡撫班第均係辦理軍務大臣乃于胡大勇具稟製造撫牌一事並不細察可否遽為 奏請咎亦難辭應請將傅爾丹班第交部查議奉

旨依議乾隆十四年六月邸抄

軍前患病不候批示擅回在所擬斬

刑部為叅奏事內閣抄出四川總督策 叅奏沈瑞龍規避一案奉旨交送刑部治罪等因到部該臣等會審得沈瑞龍供犯官係四川寧遠府西昌縣人由行伍出身歷陞至貴州黃平營都司自到軍營晝夜攻打各處碉卡原圖報効不料上年八月初九日吐血不止時刻昏迷當有昭通鎮總兵治人雄驗明具報起身回貴州黃平營署中養病是實詰問你由兵丁歷陞至都司受

恩深重出兵軍前卽偶患病症自應在營調理乃敢詳請回省調理又不候批示擅回貴州黃平任所豈不有意偷安顯然退避還有什么辯呢再供來又供犯官因吐血病勢沉重詳請驗病給假回省調理及至城都又因病勢轉重遂回貴州黃平任所是實等語查沈瑞龍職任都司領兵征勦逆番自當有進無退奮不顧身勉圖報効即使患病屬實亦當在營調理豈容據張廣泗之顛倒批准擅行退回成都



及至城都亦因候病稍痊立即前赴軍營更何得復行詳請不候批  
示私自擅回貴州黃平任所其偷安退避之處實與臨陣先退者斬  
監候無異查律載官軍臨陣先退者斬監候等語應將沈瑞龍照律  
擬斬監候秋後處決可也奉

旨沈瑞龍依擬應斬着監候秋後處決欽此乾隆十四年七月邸抄

兵丁竊賣軍器比照定擬

刑部爲軍器被竊據實詳揭事該臣等會看得兵丁張德等竊賣子  
炮并李華等偷竊庫貯鎗鐵一案據直督方 疏稱緣張德李華董  
得勝俱係古北城守營兵丁該營有軍器庫係千總碩來經管乾隆  
十七年十二月十六日署提臣馬 在教場驗看各官軍器點畢天  
晚千總碩來令各兵將軍器搬收回庫維時張德同孫士鎮搬運子  
炮行至中途張德起意竊炮賣錢與孫士鎮商允將母炮內所藏小

子炮九箇取出隱匿蔣母炮赴庫交收千總碩來因軍器接踵運至  
不及細查未經知覺次日張德將所竊子炮捏稱地內刨出賣與鐵  
匠李五六個得小數錢一千六百文于十八日賣給鐵匠胡三四個  
得小數錢一千二百文俱與孫士鎮均分又有看庫兵丁李華素知  
庫內貯有前明遺留二眼鎗一百餘杆廢甲鐵數千觔起意偷竊于  
乾隆十八年正月內商之守庫同伴兵丁董得勝允從隨在庫旁隙  
地先刨一坑預爲藏匿地步卽于是月二十日夜李華董得勝從庫  
後窰空窟進內偷出二眼鎗一百二杆廢甲鐵一千二百觔藏匿坑  
內次日到胡興家魯四鉄舖告知廢壞鉄鎗情愿賤售胡興家等貪  
利允從李華董得勝卽乘夜將鉄鎗陸續運交舖內胡興家共議給  
小數錢四十三千先交錢十二千李華董得勝俵分花用餘錢未給  
千總碩來並未知覺前署城守營都司劉壽亦未覺察旋卽卸事新



任都司顏惠蒞任不期盤查軍器庫千總碩來預期赴庫查點瞥見庫房窵有窟窿查點物件失少前項子炮鎗鉄等物知係被竊不敢遽報輒將窟窿堵塞一面訪緝賊尚未緝獲經叅將吳其貴訪聞稟報提臣并據都司顏惠赴庫查出稟報旋據該千總碩來緝獲張德等到案除根移縣收審續經收買鉄鎗之胡興家畏罪自首復經千總碩來將李華董得勝革糧拿解提訊明確查張得身充兵丁膽敢竊邊關重地砲位偷賣銷燬不法已極張德應比照將軍器出境者絞律擬絞監候題前來應如該督所題張德應比照將軍器出境者絞律擬絞監候秋後處決仍照本例刺字該督既稱李華得勝窵透庫墻竊去鎗鉄雖與軍器有間但膽敢竊取庫貯私賣漁利均屬不法查李華係起意爲首應照軍器將衣甲刀鎗旗幟一應軍器私下貨賣與人者杖

- 一百發邊窵充軍律應僉妻發邊窵充軍得勝係爲從應減一等杖
- 一百徒三年仍與李華俱照本律刺字并照兵丁行竊之例再加枷號兩個月挿箭遊營胡興家明知李華等偷竊營中軍器膽敢接買
- 三眼鎗一百二杆廢鐵葉一千二百筋殊屬不法其夥計魯四已經病故胡興家應照買應禁軍器者以私有論一件杖八十每一件加
- 一等罪止杖一百流三千里律應杖一百流三千里該犯係聞拿自首應依律減二等杖九十徒二年半李六胡三雖訊無知情故買情事但炮非民間所有賣炮又係兵丁來歷顯有未明何得謂地內創出之物輒行故買李六買子炮五個胡三買子炮四個均應照買應禁軍器以私有論一件杖八十每一件加一等律李六應杖七十徒一年半胡三應杖六十徒一年雖事在犯乾隆十八年四月
- 恩旨以前但董得勝胡興家李六胡三所犯徒罪事關軍器均應不准援





減逸犯孫士鎮嚴飭緝獲另結未獲鎗炮鐵斤已據前署都司劉壽  
并千總碩來照數賠補亦無庸議仍于張德等名下將買得錢文未  
給鎗鉄價錢一并追出人官等語均應如該督所 題完結該督疏  
稱千總碩來有專管軍器之責平時並不加謹防範以致兵丁肆行  
偷竊迨後查出明知被竊仍敢隱匿不報咎實難寬碩來應請革職  
比照竊盜等事汛兵隱匿不報例杖一百時逢熟審減一等杖九十  
係旗人應鞭九十等語亦應如該督所 題將千總碩來革職比照  
竊盜等事汛兵隱匿不報例杖一百時逢熟審照例減一等杖九十  
旗人鞭九十解部發落交旗再該督疏稱前署古北口城守營都司  
候推守備劉壽身膺兼轄之任同駐一城乃庫貯軍器先後被竊毫  
無覺察實屬瀆職相應請

旨革職以儆怠玩等語臣部遵旨劉壽奉

旨革職之處業經先行知照兵部直督辦理在案應毋庸議至從前失察

兵丁偷盜軍器之提鎮各官應令該督查取職名送部查議可也奉

旨張德依擬應絞着監候秋後處決餘依議乾隆十八年十二月 日

邸抄

軍營脫逃人犯獲日即行正法

刑部爲請

旨事據直隸總督方 咨稱出師跟役劉成中途潛逃被獲訊取確供于

乾隆二十年二月十二日解送到部本部會同院寺會看得據直隸

總督方 咨解出師跟役劉成潛逃被獲一案審據劉成供我係直

隸通州民今年三十一歲了上年十二月內我得僱價銀十五兩雇

與廂白旗前鋒章京明阿泰家跟隨往北路出兵今年正月二十日

跟主兒起身的至二十二日到懷來地方點燈時候我主兒叫我去



買蠟燭我想我家中有七十多歲的父母一時糊塗就乘空逃回通  
州蔣北庄二月初六日就被州裡捕役拿獲的我逃走時並沒有拐  
帶主兒的東西亦並無別人知道所供是實等語查乾隆十九年十  
一月二十七日奉

上諭現今派往西北兩路進勦兵丁于明春陸續自京起程每兵二名帶  
跟役一名如有攜帶軍器及衣服銀兩潛逃者獲日以軍法從事卽行  
正法並十沿途張示曉諭欽此通行遵照在案今劉成係出師前鋒章  
京明阿泰跟役胆敢中途脫逃殊屬不法應卽以軍法從事擬斬立  
決仍移咨直督通行曉諭以示懲儆再查軍營脫逃人犯理應欽遵  
諭旨獲日以軍法從事應請嗣後各該地方並各路軍營如有拏獲逃軍  
跟役人犯審訊明確該督撫及該將軍卽行奏  
聞在于本地方正法俾各省兵民人等目擊咸知儆惕俟

命下之日通行各督撫將軍一體遵行乾隆二十一年二月十八日奏本日  
奉

旨依議欽此相應移咨前去欽遵查照施行等因于乾隆二十一年三月二  
十九日准咨



例案續增新編卷十七

例案續增新編卷十七

乾隆元年起

關津

私出外境及違禁下海

商船桅水鐵箍填入牌照

客頭包攬客民過臺尚未出口照例減等問徒

客頭招客渡臺及營兵受賄縱放

船隻遭風飄入呂宋盜賣兵米及租船與人依自造商船租與他人

例枷責

乾隆十一年起

兵律

關津

例案續增新編 卷十七 關津目



例案續增新編卷十七  
私出外境及違禁下海

民人私越外番交結詐擾治罪  
私越外番充役復又偷渡入口  
斥革武舉謀充蘇祿國使臣改發黑龍江當苦差

例案續增新編卷十七

踐唐沈如焯 漑齋 編輯

兵例

關津

私出外境及違禁下海

商船桅木鐵箍填入牌照

福督那 為移咨事內開據按察使覺羅倫 摺奏請將海船桅木

上鐵箍若干道于關牌內註明開船時令監督海關文武員弁于鐵

箍上下桅木處用印烙編記本省別省一體查驗又新船桅木鐵箍

按戰船之例計用鐵箍緣欽奉

世宗憲皇帝硃批隨經本部院議得海洋鐵禁甚嚴稽查之法最宜慎密  
今查泛海洋艘所賴全在桅木中之純長大料者不可多得每用兩



木鑲幫或用三木鑲幫均須層繩定合成一桅剗駛始得其力其但船稍水手奸計白出或于外洋將所幫之桅抵換獨木桅所有桅上鐵箍私賣偷漏亦未可定自應立法稽查以杜弊竇嗣後凡有出洋船隻應飭地方官逐一驗明除獨桅毋庸議外如係幫桅查其上下共用鐵箍若干道每箍重若干觔填註牌照之內于回棹進口日確加查驗如有缺少即行究訊若有中途遭風致有拆斷箍數不全者准其原箍送驗免其究追其有將船收泊別省轉賣與人者亦令將原牌原照送驗該地方官查明原開鐵箍數目有無缺少或係中途拆斷亦准呈驗分別究詰至新造洋船桅木鐵箍一例填明牌照示行定規等因于乾隆元年三月初一日奉

硃批俞旨合行飭遵欽此

客頭包攬客民過臺尚未出口照例減等問徒

乾隆二年四月刑部會議覆廣撫楊 題叅革澄海協右營千總伍盛盤獲福建民人吳福等欲偷渡臺灣僱般銀兩隱匿同兵丁瓜分一案應如該撫所題伍盛除報解及發回吳福并給兵丁瓜分銀兩外實隱匿銀七兩二錢三分合依巡捕尅留盜贓例入已者以不枉法論一兩之上至一十兩杖七十律應杖七十折責二十五板字識李世英林振貴兵李健邱山賴高陳千方中玉林奇徐在朝鄭標曾得劉勇陳造蔡振元陳殷陳瑞黃發各分得銀二錢陳清得銀四錢李世英林振貴又各得錢一千文林振貴又得錢八百文李健邱山賴高陳千方中玉林奇各又得銀二兩均應照尅留盜贓例入已者以不枉法論李世英林振貴李健邱山賴高陳千方中玉林奇均依不枉法贓論一兩以上杖七十無祿人減一等杖六十折責三十板徐在朝鄭標曾得劉勇陳造蔡振元陳殷陳瑞黃發陳清等均依不



枉法贓一兩以上杖六十無祿人減一等律笞五十各析責二十板  
俱革除名糧該撫既稱吳福許代何明等覓般過臺甫經包攬猶在  
內地尙未出口查定例客頭在沿海地方引誘包攬索取銀兩用小  
般載出復上大船者將爲首者客頭比照大船僱與下海之人分取  
番貨例發邊衛充軍爲從者減一等杖一百徒三年澳甲及船戶舵  
工人等知而不舉者亦照爲從例治罪偷渡之人照私渡關津律杖  
八十等語皆指已經下船出口者而言其甫經包攬未行出口者作  
何治罪之條例內未曾指明應請將吳福照爲從例杖一百徒三年  
欲行渡臺之何明賴珍賴文陳登林贊陳利黃相翁賢翁利尙未出  
海私渡亦應量減一等杖七十折責二十五板等語亦應如該撫所  
擬伍盛等事在雍正十三年九月初三日

恩赦以前均應援免伍盛等係貪官永不敘用徐在朝等仍革去名糧奉

旨依議

客頭招客渡臺及營弁受賄縱放

乾隆二年十一月刑部會議覆客頭謝四等買船招客渡臺斥革把  
總余振受賄縱放出口一案據廣督鄂咨稱緣謝四向與毛君望  
熟識毛君望有子在臺生理久欲偷渡適江宏海有船欲賣乾隆元  
年二月十四日毛君望往邀江宏海同赴謝四家喚同謝四商議買  
船招客偷渡獲利均分謝四依允隨與江宏海議定船價銀四十八  
兩五錢嗣爲施文標探知添入一分析爲三股謝四陸續招引客民  
彭喬森等八十一名每人船腳銀二三兩至五六兩不等除李廷左  
李廷芹各出銀三兩封寄李俊才家外共收現銀九十五兩二錢六  
分銅錢二十八千一百文其餘未交之銀議俟到臺交足約在海豐  
縣屬之田墘港下般出口恐爲營汛查阻毛君望施文標又用銀三



十四兩行求革弁余振縱放出口余振分給管隊劉廷茂鄭若華各銀七兩隨有蘇五福指引范瑞騰向求搭船謝四等亦爲應允比毛君望施文標未經同行惟謝四在船于四月二十四日夜衆客先後各到僱般載送上般開行出口駛往外洋行走至五月初二日遭風飄入閩省漳浦縣屬海鯨澳地方被銅山營獲解隨經碣石鎮營員及海豐縣將毛君望及施文標陸續拿獲嗣因余振受賄私放出口揭發著部斥革究審在案隨經閩省漳浦縣將謝四等解粵就近并案審結據謝四余振等各將合夥買船招客偷渡受賄縱放各情直認不諱將謝四依例擬軍毛君望施文標江宏海余振均分別擬徒管隊劉廷茂鄭若華地保陳祥指引搭船之蘇五福及原獲客民彭喬森等及同船赴臺之范瑞騰均分別擬杖但各犯事在乾隆二年四月十六日

恩赦以前均請援免等因咨達前來查此項軍犯例應題結今該督將軍犯謝四徒犯余振等咨請援免于例未協應駁令具題但臣等查核謝四等所犯情罪與

恩詔內免罪之條相等若復行咨駁必致稽遲時日誠恐應赦之犯徒滋拖累臣等仰體

皇仁據咨改題應如該督所請謝四合依客頭在沿海地方引誘包攬索取銀兩用小船載出復上大船者比照大船僱與下海之人分取畚貨例應僉妻發邊衛克軍分贓之毛君望施文標除以財行求輕罪不議外均應照爲從例減一等杖一百徒三年知情賣船之江宏海舵工林喜知而不舉亦應照爲從例減一等杖一百徒三年革弁余振合依官吏受財計贓以枉法論二十兩杖六十徒一年律杖六十徒一年押發山東入伍已革管隊劉廷茂鄭若華應比依在官人役



取受有事人財計贓以枉法論五兩杖八十無祿人減一等律杖七十時逢熱審又減一等杖六十各折責二十板地保陳祥失于查察時逢熱審減一等杖七十各折責二十五板陳祥仍革役原獲客民八十一名內除會長妹在閩病故外其彭喬森等八十名與同船赴臺之范瑞騰均應照私渡閩津律各杖八十時逢熱審減一等杖七十各折責二十五板但謝四等事在赦前均應免罪余振免其押發山東入伍係貪官永不叙用陳祥革去地保至各犯所得銀錢照追入官所獲偷渡船隻應令該督嚴緝獲日變價解粵入官收受李廷左等銀兩之李俊才應令該督嚴緝獲日追結該督既稱毛達任已據伊父毛君望供明伊子並無往僱舵工情事應免拘訊蘇五福借用謝四銀一兩五錢聽其自行清結衆客未交船腳銀錢并范瑞騰除欠謝四船銀二兩及毛君望口許舵工林喜工銀一十五兩均

請免追等語均應無庸議再該督咨稱本案朱察出口文職係海豐縣典史王澄海豐縣知縣林寅相應開叅查定例拿獲偷渡人犯問明在何處開船失察官照奸船出口例罰俸一年等語應將失察出口之典史王澄知縣林寅均照例罰俸一年查林寅有紀錄二次應銷去紀錄二次免其罰俸王澄有紀錄一次應銷去紀錄一次免其罰俸六個月仍罰俸六個月武職係本案婪贓斥革碣石鎮中營把總余振毋庸查開等語應毋庸議又客頭謝四供在田壩港口由外洋行駛沿海文武失察職名應免查叅等語應均免其查議奉旨依議

船隻遭風飄入呂宋盜賣兵米及租船與人依自造商船租與他人例枷責

形部看得船戶陳吳勝船隻在臺配運兵米出口風飄飄越呂宋盜



賣一案據閩浙總督宗室德 奏稱惠邑民人張清本姓陳頂駕伊  
 父遺下原領晉江縣照票牌名陳吳勝商船一隻配舵水蔣伊陳同  
 施偉等共二十人在臺配載兵米二百石由鹿耳門汛點驗出口遭  
 風失桅船隻被飄至呂宋一老哥地方詎蔣伊起意串通陳同施偉  
 等擅將官米私行售賣番銀二百員將五十員為給照費用其餘一  
 百五十員蔣伊等各分十員散居覓食供認不諱查蔣伊等實係遭  
 風被飄並非有意透越應將陳同施諱照例擬斬係雜犯准徒五年  
 張清即陳吳勝等分別徒杖均援 赦免罪等因前來應如所奏陳  
 同施偉合依監守自盜不分首從併贓論罪入已一千兩以下者擬  
 斬例係雜犯准徒五年陳同年逾七十應照律收贖行保郭萬盈吳  
 南珍混行保結灣甲黃來既知吳二頂贊並不首報均應照不應重  
 律杖八十時逢熱審照例減等發落至僱六二頂贊之船戶張清即

陳吳勝據該督擬照漁船舵水人等詭名以替杖八十徒二年係商  
 船加一等例杖九十徒二年半但漁船舵水人等詭名頂替查係舊  
 例

欽頒律內並未載入未便遵行應將張清即陳吳勝改照自造商船租與  
 他人者杖一百枷號三個月例杖一百枷號三個月均應援免所有  
 米價腳費銀兩應于陳同等各名下變追完補逾限無完着落臺廈  
 行保各半分賠乾隆五年八月內奉

旨依議 民人私越外番交結詐擾治罪

福浙督院喀 咨開為欽奉

上諭事據福建按察司覺羅雅 會同布政司永 詳稱乾隆十二年  
 七月十六日奉 巡撫部院陳 案驗前事切照馬光明係內地同



安縣民自幼賣魚爲業後充洋船水手往來呂宋倚恃外番名目賒取廈門行保李鼎豐鄭寧遠林瑯觀等貨物銀九百兩盡行侵吞迨李鼎豐等控追光明狡騙不償復往呂宋又騙用番商貨本于乾隆四年間逃往蘇祿營求國王之弟收爲通事又有內地民人陳朝盛陳梧亦在番貿易朝盛充當蘇祿通事陳梧認爲蘇祿國王義子俱與馬光明一帆串結七年間蘇祿國屆當進貢光明謀充貢使同陳朝盛來閩九年二月事畢回國買一幼漢認爲義子馬成帶領同往及至呂宋所轄之邦任絲蘭地方停泊適呂宋國王之弟巡查至彼見馬成少年欲收爲假子適中奸計馬光明承順其意卽備禮物將馬成送往留往在番國光明先曾吞欠呂宋番債未償番目黃佔代爲賠補至是黃佔不知馬成一事緣田將光明船貨起留以抵賠項比蘇祿國聞知遣目勝獨減斂至彼取回貨物光明不咎已非惟懷

恨黃佔偵知佔有同父異母弟黃令黃罕住居漳州捏稱王令等在番同搬貨物希圖詐騙洩忿乘蘇祿國遣使賫表謝

恩之便囑令番官轉告國王時陳朝盛亦隨聲附和以致國王將搬貨之事叙入咨文移會布政使詳追光明復與陳朝盛陳梧於乾隆十一年八月來閩船至廈門光明等卽喚黃令黃罕告以咨查搬貨之事意在恐嚇取財黃令等未允而散陳梧等又冒稱番王世子虛張聲勢哄嚇愚民并將番人置貨銀二百兩任意花費迨無可償于十一年十月間峻使番目段冉未控稱與洋行邱詩觀等賭博輸去情節誣告伊又代爲解釋邱詩觀等懼累屈認代賠含冤莫訴以上各情節審訊該犯等一一供認不諱查馬光明陳梧陳朝盛俱係閩省民人乃敢私越外番獻媚結納營充貢使通事復往來蘇祿呂宋兩國藉端構釁且先後回至內地假借番國名目二人狼狽爲奸擇殷而



倭案續考 卷十七 七  
噬詐騙鄉民許訟擾累動以國王咨奏恐嚇凡聞其名者無不震懼子弟僕從橫行鄉曲種種不法誠為奸徒之尤寔難輕縱查例載交結外國互相買賣借貸誑騙引惹邊衅貽患地方者問發邊遠充軍等語馬光明陳梧俱應例邊遠充軍各僉妻發遣陳朝盛附和為從應照例減一等杖一百徒三年洵不為枉各名下所欠洋行番人銀兩着追給主仍咨提馬成回籍令伊等家屬一體嚴加管束不許出境所有遵

旨查審定擬緣由相應繕摺具 奏伏祈

皇上睿鑒如蒙

俞允

硃批到日容臣一面將馬光明等分別僉遣發配一面咨

部存案合併陳明謹 奏于乾隆十二年五月二十日奏七月初四

日奉到

硃批知道了欽此欽遵抄摺行司遵照辦理隨經本司會同藩司敘詳呈

請咨明

禮刑二部在案嗣奉 本督院承准大學士張 訥 尚書傳 字奇

乾隆十二年十月初四日奉

上諭馬光明陳朝盛二犯雖擬僉發此等棍徒在配亦未必安靜或致更滋事端着掣回解京交部拘禁欽此乾隆十二年二月十八日浙撫 准咨

私越外番充役復又偷入口

刑部為遵

旨清查究擬事該臣等看得龍溪縣民陳怡世私越外番充當甲必丹携帶番婦偷渡入口一案據閩浙總督喀 奏稱切照龍溪縣民陳怡



世私往番邦擅取番婦謀充必甲丹專利營私于乾隆十四年六月內攜帶番婦子女婦僕僱搭謝冬發船隻回閩偷載入口一案前據廈防同知許逢元前任龍溪縣知縣袁本濂先後訪拿稟詳經臣等具摺 奏

聞又承准軍機處欽奉

上諭令臣等徹底清查按律辦理一面詳悉奏聞欽此欽遵緣由 奏

聞在案茲據署按察使事李方勉會同布政司陶士儼查審定擬詳解前來撫臣潘 親加確審緣陳怡世有已故姪陳恭向在廣東香山縣開雜貨行乾隆元年陳怡世往粵探望陳恭遂置買烟葉貨物在香港山澳搭馬狗番洋船潛往噶喇巴貿易頗獲利息逗遛不返乾隆二年遂用番銀五十一員買嚙嚙噠番女高冷為妾生子爭仔偏仔女幼仔陳怡世因為學習番語並用好貨物餽送夷目哄借本銀三萬

兩營運茲于乾隆四年曾搭馬狗番洋船由廣東山澳回家探母一次仍回香山澳附搭原船往番至乾隆十年謀甲必丹管理洋番貨物交易乃銀稅等項取利頗饒乾隆十二年因念母老辭退甲必丹于乾隆十四年五月攜帶番妾子女及所買番婢冬菊冬桂番僕富仔生仔並番銀三萬八千員番貨值銀四萬餘兩僱搭龍溪縣船戶謝冬發船隻回籍給船租銀九十員六月十九日船至大擔門清水洋因慮廈門盤詰遂于二十一日用番銀十員僱郭良小漁船帶同番妾子婢僕偷越海門浯嶼等處潛駛回家銀貨俱發謝冬發載至廈門赴關報稅入口陳怡世復于二十五日往廈僱陳盛小船在謝冬發船上擱回甲萬箱十二隻內貯番銀一萬五千員並零星貨物又借給陳德順即陳悅番銀六千員餘銀一萬七千員同各貨俱交德順行收貯售賣經廈門同知許逢元前任龍溪縣知縣袁本濂訪



聞稟報臣等立即飛飭興泉道白灑漳州府知府金溶督同廳縣徹底搜查將其運回甲萬箱十二隻內番銀一萬五千員併零星貨物逐一搜出值銀一百七十六兩又究出福清縣船戶謝冬發陸續回廈收綿興行番貨值銀一萬二千四百四十兩又究出借給謝冬郭珩林懷孫祿用陳玉給帶輅陳服觀等共番銀一萬一千六百員及廈門德順行查出貨物估值番銀四萬二千三百八十兩零又寄存番銀一萬二千員以上共計番行四萬九千六百員一切貨物估值銀五萬六千三兩零經廳員屢次結覆並無隱匿寄頓及短估價值情弊再四究詰雖據供稱在番充當甲必丹止管漢番客商交易貨物不過從中收取規利並無借端恐嚇番夷及洩漏內地情形等事但陳怡世以內地民人膽敢私往番邦濫住多年擅取番婦價買番地婢僕又謀充甲必丹聽其役使婪取規利私渡濫回種種不法難以輕縱查乾隆十二年有閩省民人馬光明陳梧等私越外番謀充貢使通事藉端構釁擬照交結外國互相買賣借端誑騙引惹邊釁發邊遠充軍在案今陳怡世事同一轍亦應照此例發邊遠充軍洵不為枉其番妾高冷自幼買娶已經生育子女應同僉遣查出在家在行各貨銀及分借銀兩一併追變入官充餉番僕富仔生仔香奴冬菊冬桂年俱幼穉難以遣歸應行入官謝冬發即陳邑在番將船租給陳怡世携帶番婦婢僕在外洋濫回應照富民謀利自造商船租與他人例杖一百枷號三個月所得船租同船隻追變入官漁船戶郭良攬載陳怡世眷口偷渡回家應照違制例杖一百所得船租同船隻俱變入官船戶謝冬發訊止代為搭載貨物小船戶陳盛在廈受僱載貨均不知情應毋庸議謝冬郭珩林懷孫祿陳周葉輅陳服觀陳德順許綿興等借寄銀兩俱照數交庫訊無侵漏均請免

陳服觀陳德順許綿興等借寄銀兩俱照數交庫訊無侵漏均請免



例案續增  
卷二十一  
議所有失查陳怡世攜帶番婦經由偷渡之地方官文職係海澄縣  
海門巡檢張士淳武職係署水師提標中營左哨把總劉顯營水師  
提標中營右哨一員外委把總梁上平水師提標左營右哨外委千  
總洪陞相應開報前龍溪縣知縣袁本濂自已訪獲且已病故應毋  
庸議再存行海參燕窩番呢等貨海濱卑濕難以久貯經臣奏請委  
令廈防同知公同估定寔價卽行易銀貯庫復委道府督察在案至  
龍溪縣書役陳源達等得受陳怡世番銀現在究追另外歸結合併

陳明謹 題請

旨奉

硃批該部議奏欽此查內地民人交通外番例于嚴禁今陳怡世私越重  
洋潛住十有餘年買妾生子復投充甲必丹聽其驅役尤爲不法雖  
無藉端構釁情事然其違禁營私寔難輕宥應如該督所 題陳怡

世應照交結外國互相買賣借貨誑騙財物引惹邊釁例發邊遠充  
軍再該督奏稱番妾高冷自幼買娶已經生育子女應同僉遣查出  
番銀貨物及分借銀兩一併追變入官充餉番僕富仔生仔番婢冬  
菊冬桂年係幼穉難以遣歸應行入官謝冬發卽陳邑在番將船租  
給陳怡世携帶番婦婢僕潛回應照富民謀利自造商船租與他人  
例杖一百枷號三月所得船租同船隻追變入官漁船戶郭良攬載  
陳怡世眷口偷渡回家應照違 制律杖一百所得船租同船隻追  
變入官船戶謝冬訊止代爲搭載貨物小船戶陳盛在廈受僱載貨  
均不知情應毋庸議謝冬郭珩林懷孫祿陳周葉輅王結陳服觀陳  
德順許綿興等借寄銀兩俱已照數交庫訊無侵漏均請免議再存  
行海參燕窩番呢等貢海濱卑濕難以入貯經臣奏請委令廈防同  
知公同估定實價卽以易銀貯庫委道府督察在案至龍溪縣書役



陳源遠等得受陳怡世番銀現在究追另案完結等語均應如該督所奏完結奉

旨依議乾隆十五年五月邸抄

斥革武舉謀克蘇祿國使臣改發黑龍江當苦差

禮部等部爲具報事會議得福建巡撫陳 疏稱蘇祿國蕪老丹嘛喊味安柔律隣遣使勞獨萬渣喇率領目丁通事等齎捧

表文方物由該國附搭楊大成船隻來閩進 貢該撫檄行查明將正使番目通事等安插館舍造具進貢官伴方物數冊等因具題前來謹按蘇祿國遠隔重洋効順已久應准其入貢臣部行文該撫驗明方物支給勘合夫馬委員伴送來京再該撫 疏稱該國僻處海外願以地土人丁戶口編入

天朝圖籍該國王又懇請來年專使齎送圖冊之處應毋庸議再該撫

疏稱船戶楊大成卽雍正巳酉科武舉楊廷魁因弟濫保船戶盜賣兵米案內廷魁在縣堂倚勢咆哮詳咨斥革在案今管駕楊大成牌照出洋以致蘇祿國列爲副使現飭交原籍管策等語查雍正五年蘇祿國進貢副使龔廷綵乾隆七年進貢正使馬光明俱係內地民人逗遛外國自克該國使臣向例俱照正副使頒 賞聽回蘇祿在案馬光明旋于乾隆十二年因在番倚勢往來內地生事經該撫奏明交刑部治罪亦在案今斥革武舉楊廷魁原係多事之人復藉出洋賈易冒克蘇祿副使若不嚴懲示儆誠恐內地民人習爲常例藉此名目在番滋事楊廷魁不應如該撫所題僅交原籍管策查例載交結楊廷魁前因咆哮公堂斥革武舉乃並不悛改胆敢冒照出洋謀克蘇祿國副使實屬不法若照交結外國誑騙財物之例擬軍留于內地仍恐生事擾民應將楊廷魁改發黑龍江當苦差行令該撫



查僉妻室卽行解部發遣臣等并請行文該督撫知照該國王嗣後凡出洋貿易內地民人毋得令其承克正副使臣如仍有借端生事妄爲者應令該撫奏明嚴加治罪庶無知愚民知所懲儆可免生事之弊而中外得以相安至該國帶來貨物應聽該夷自行貿易免徵稅餉仍令該撫查明交易貨物數目造具清冊咨報戶部查核所有正使番目通事等應給廩米蔬薪鹽菜等項銀兩俟事竣之日該撫造冊報明戶部核銷再楊廷魁旣經治罪所有該國貢使事竣回國該撫仍將如何配駕船隻遣發之處于題報回國日期疏內一併聲明可也奉

旨依議乾隆十九年二月初四日邸抄



